

瑞祠官以開賜勅嘉獎戊子三月降特旨申諭真人門下專出符籙四月命傳延禧法錄建延禧大齋五壇咸有瑞應厚賜尚方珍物特命更給驛券還山十月手勅俾邀請真仙張三丰已丑再勅尋訪張三丰庚寅春忽發

神異語人莫能測一日以印劍授介弟字清曰吾將迓吾真矣惟

國恩未報爾其承此以圖之又越三日書頌曰一點靈明本無生滅五十年中非圓非闕今朝裂破大虛空三果十方俱透徹舉手前

向指而逝時 大駕駐蹕北京 皇太子監國遣行人陳達賜祭明年天象追悼復遣行人蕭榮諭祭馬藏蛇於峴泉

四十四代天師諱字清字彥幾別號西壁冲虛仲子着山之弟初冲虛夢壁真人戮寇

朱衣入其室翌日生七歲能詩及長凡秘要儒經子史究索無遺著有西壁文集傳於世永樂庚寅嗣教十月大駕南還召見賜宴及

冠服圭珮之屬命醮於朝天宮賜誥授正一嗣教清虛冲素光祖演道大真人領道教事

癸巳七月初遣使齋賜大嶽圍光圖并柳梅百顆八月降勅俾選有道行羽士為武當山住持九月命使詣山就大上清宮建金籙大齋七日感龍井出見之瑞上給緡錢俾市魚放養溪中賜名曰放生池禁止網釣乙未詔

壁三

壁三

修太上清宮并勅建真懿觀造浮橋築隄防丁酉命分獻西鎮壇十一月詔往福建靈濟宮修建祈謝金籙大齋瑞感圓光燭霄御雲成幢鸞鶴交舞靈既登臻祀官以開降勅嘉獎仍有金幣之賜戊戌二月初召入京賜冠

服綵幣白金百鎰命祠玄帝金像於太和山五月命治浙江湖惠乃書鐵符戒弟子黃端友往投之時波濤洶湧若有人馬呼鳴之聲既而水退患止有司以聞上遣使嘉獎賞齋已亥誥封妻孫氏為端靜貞淑妙惠玄君復

有金幣錢物及香果海魚之賜庚子上召見命率羽士修玉籙大齋休徵尤夥十月命建普度醮於京之靈濟宮辛丑正月朔命分獻星辰壇復建保安醮七日賜冠服圭珮錦綺貂裘之屬上北伐還京命建祈謝大齋感祥

光慶霽之應賜齋有加特勅褒獎甲辰命醮太和山仁宗昭皇帝即位入賀命修薦揚大齋亦有異徵仍降勅獎諭賜金玉法印并織文金衣鶴氅貂裘圭珮綺幣及從行弟子齋齋有差

壁三

壁三

宣宗章皇帝即位宣德改元入賀錫燕內殿四月推恩申錫嘉號之勅六月加誥封為正一嗣教清虛冲素光祖演道崇謙守靜洞玄大真人掌天下道教事丁未入覲詔下有司悉蠲僕從丁役五月三以老辭

上還山一日中秋集眾飲闌而作頌曰易窟探周行訪浮丘乾虹橋畔坤雷渡頭噴宇內清光半是秋半為負氣還天表忽迅雷大作有虹隨見光滿山谷而化計聞於上遣太監雷春諭祭復勅葺於北真觀之右

山

漢天師世家卷三

漢天師世家卷四

壁四

四十五代天師諱懋丞宇文開別號九陽處心恬澹不膠於物又號曰澹然沖虛嫡孫著山西壁之從子也初父宇理於洪武丙寅臘日宴坐中庭突有道士謂見衣貌甚奇自稱

壁四

重陽子遺以菊花一本曰願假館門下六十年語畢忽不見始異之後覺其為重陽真人也明年九月九日天師生時有菊香滿室紫雲覆屋三日乃散四歲效作禹安感雷擊隱隱人以為偶然命再安雷輒大震及授儒經

○玄秋日記萬言文章書法卓冠時彥嘗經山澤或謂垂木前障過者偏僕請從間道天師曰予任已民之責矧正人不由邪徑頃之烈風大作至則樹已拔矣入京過武林民多疫求符者不能悉給乃書鉅符投井中人競汲

之水為竭飲者瘳馬遊華蓋山祥光屢現天燈夜如星布其神異感格大都若此洪武二十二年父宇理蒙太祖高皇帝聞其賢召借無為真人入對雅稱旨賚以金幣命前御史中丞誠意伯劉基

以其弟之子妻之天師乃劉氏所生也及入覲賜燕便殿明年命傅太上延禧錄建延禧醮於大內禮成賜冠服劍佩之屬四月陪祀太廟錫誥授正一嗣教崇修至道葆素演法真人領道教事已酉春入賀萬壽節命分獻

東鎮壇俾醮於仁智殿賜賚有加三月

上御西宮召見與語大悅奏舉上清宮高道操克弘冀繼宗頹福淵黃嘉佑等為道錄職員詔可遣中使黎都詣山越之十二月錫誥贈故室孫氏為柔嘉貞靜玄君辛亥入覲命

○分獻星辰壇醮於內皇壇有尚方八寶金幣之賜四月陪祀太廟禮畢特遣中官護送還山癸丑冬入覲明年春命醮於靈濟宮三月會青宮不豫召入治而安之上悅賜冠劍衣烏命分獻風雲雷雨壇命保

壁四

二

安醮於大德觀復有金幣之賜給部牒五百度羽士辭歸留之五月召對於內庭賜御製招隱歌還山抵甲馬營傳舍上復遣使追授密初勉以脩鍊之學勿墜宗範云英宗睿皇帝即位正統改元入賀勅建天師

府於朝天宮內東北隅此

先帝之命至是落成遣禮官迎入府居之給以饌廩命脩昇真大齋於本宮明年元旦賜燕於奉天殿十一日俾分獻風雲雷雨壇明日召見繼召衍聖公同宴便殿各有金幣蟠

衣朱履之賜本月命傅太上延禧諸錄建金籙延禧醮於朝天宮賞賜有加己未春命分獻東鎮壇二月皇太后聖壽節建祝延醮於朝天宮禮成賜金幣庚申錫誥封繼室董氏為溫靜柔順玄君三月命安祀玄帝金像醮

壁四

三

○於大內玄天祠禮畢命以祖傳印劍進覽上撫摩久之歎曰神物靈異果如是乎燕養而出辛酉春正月命分獻東鎮壇醮於朝天宮給部牒五百度羽士厚賜而還壬戌冬入賀錫宴文華殿癸亥春命分獻星辰壇醮於朝天宮明年辭歸奏曰臣沐兩朝寵恩無由仰答萬一恐巨天賦有限不能長侍陛下清光矣有一子早不祿嫡孫元吉雖及髫歲資稟頗奇願以代臣補報上慰留至再乃許抵家以印劍付元吉曰吾

已得請於朝孺子懋之承承天眷語訖端坐而化壽五十有九果符假館之數計聞詔遣禮部郎中趙景翰祭工部主事江清榮莖於馬鞍山建觀曰南極以祀之

四十六代天師諱元吉字孟陽別號太和澹

然之孫贈寂靜真人子也母玄君高氏夢長庚星如虹下流化為白鳳集於懷及覺光緒滿室感而有娠乙卯春正月九日生時有靈芝出東柱礎下自幼明敏絕人凡祖秘儒書一覽輒了喜為詩詞然所發皆非塵世語讀

者莫不奇之正統乙丑冬赴闕時年甫十一上見之愛其岐嶷如成人召入內庭命坐賜茶錫語授正一嗣教冲虛守素紹祖崇法真人領道教事厚賜而還丙寅冬召見於仁智殿命書趙天君符恍惚有神虎哮吼之聲

上驚異嘉嘆賜冠服圭珮及金幣之屬請歸父留綱為正一嗣教崇玄養素寂靜真人封母高氏為慈惠靜淑玄君丁卯上念其幼孤賜勅諭禁治族屬侮侮之輩更授贊教掌書等官輔之戊辰

上御大善殿召對稱旨有萃寶冠金文服之賜已巳正朔命分獻星辰壇三月辭歸諭留之夏六月雷撤護身殿瓦擊蜚吻雨沃旬不止召問以慎起居戒邊防為對命建祈晴醮於朝天宮檄召雷神有巨鷹藍距赤翅挾大

風而吹蓬萊門攫檄排雲而上觀者駭然色

變應時天朗氣清祠官闕

上喜愕交至賜賚有加秋七月上北狩皇后命建保安醮於內庭景泰改元

秋八月景皇帝召入觀顧問者再命建保鎮國祚醮於大德觀有天花雲鬣之瑞降勅褒嘉明年二月給部牒一千度羽士壬申冬命醮於內庭禮成賜燕仁智殿癸酉春命分獻風雲雷雨壇醮於朝天宮乙亥春

上御文華殿召見問諸雷秘法命作符大悅曰神明之貴代不乏人可謂善繼矣當時以為禁四月命建金錄黃錄二大齋於靈濟宮有卿雲覆壇五色盤旋如車蓋鸞鶴羣至取觀者數萬人祠官以聞

上嘉錫誥加封為正一嗣教冲虛守素紹祖崇法安恬樂靜玄同真人掌天下道教事賜王冠圭珮衣履之屬特命尚方良冶作法劍一口賜之遣中使護送還山天順元年英宗睿皇帝復位二月入賀命建祈謝醮於

內庭寵賚逾厚七月頒勅申禁偽出符籙及

族屬欺凌者已卯冬入觀賜燕內庭再命傳

太上延禧諸秘籙庚辰春命陪祀天壇上御齋宮垂清問對稱旨賜金練衣錫語加封母高氏為太玄君辛巳四月上遣使齋勅詣山召赴闕俾醮於大內玄天祠有異兆七月祝融扇燄於承天門命就朝天宮建祈謝醮燄離七日致感河伯驅波御海驟溢上嘉獎深至賜以冠服劍器及從行弟子賞賚有差復召對奏乞大赦天下明年

三月陞辭而還抵路河上遣錦衣衛百戶劉昇令以原給驛券外加賜馬快船追送之甲申春入朝上登寶座輒有影響命書符勅之明且有異鳥繫於禮柶之下命中官錢莖率旗校早出

鳥繫於禮柶之下命中官錢莖率旗校早出

朝天宮火裂之響暫息

上嘗睡覺足隱隱痛要恐亟燭之有黑痕似人指點狀遣內使傳旨諭乃進符水滌之痕退患愈矣

上御奉天殿聞空中有如不石墜壓之聲天

象懷懼命醮禳謝是夕其聲寂然尤加禮重錫誥加封為正一嗣教體玄悟法淵默靜虛闡道弘化妙應大真人掌天下道教事加封慈惠靜淑太玄君母高氏為慈和端惠貞淑太玄君厚賜還山

憲宗純皇帝即位成化元年九月入賀賜宴於文華殿明年正月

上遣中官齋賜天厰良馬及文錦朱烏黃封上罇番果海魚等物為壽翌日入謝仍賜燕內庭十一日命分獻風雲雷雨壇二月命建

壁四

六

昇真醮於大德觀賜勅申禁族屬侵犯及諸人偽造符錄并授贊教掌書等官助理玄政丁亥秋入朝召見於大善殿命以祖傳印劍進覽

上回重瞳久之嘆曰物之珍茲果有神靈賜

燕而出十一月

上復御大善殿召對聖語勉以護國安民更給正一嗣教大真人府金印又加賜玉印各一顆御書大真人府四字命梓縣於府第額額三錫恩綸加封為正一嗣教體玄崇默悟

法通真闡道弘化輔德佑聖妙應大真人掌天下道教事仍遣中官秦勤齋賜蟒衣玉帶冠履劍器圭珮之屬寵賚獨盛朝野榮之已丑不召見命建金籙醮於朝天宮辭歸出遊歷登名嶽探仙人舊隱之跡去六載方還徑抵龍虎山下結茅却粒者三年一日書頌畢端坐而化舉之如空衣矣葬於本里播箕潯四十七代天師諱玄慶字天錫別號貞一又踰七一文人生時有異徵博學能文長於詩書成化丁酉入覲錫燕內庭遣中官梁芳傳

壁四

七

旨聘成國公朱儀文為配明年詔赴南畿完婚仍賜蟒衣玉帶加撥馬快船隻送回詔授正一嗣教保和養素繼祖守道大真人領道教事封母吳氏為志順淑靜玄君甲辰賜勅諭申禁諸人偽造私出符錄及偷盜放生

魚乙巳春特勅江西守臣重建大真人府第命降香大華蓋山及鐵柱宮丙午入覲命醮欽安殿有玉帶金幣之賜

孝宗敬皇帝即位弘治戊申入賀寵遇有加庚戌夏雷擊護身殿柱建祈謝醮於欽安殿感天花慶雷之祥

上嘉養之又命祈聖嗣醮於內庭明年皇太子生賜雕花天祿壽字玉帶金冠蟒衣銀幣之屬丙辰

上遣太監李瑾李珍齋勅俾建保民大醮於大上清宮以守臣鄧原并兩司掌印官陪祀召羣鶴舞空御雲疑蓋之瑞戊午冬命祈雪於朝天宮明日大雪已未春命傳太上延禧秋錄賜牙刻印記二函并金幣陸辭而還五月行舟次沽頭聞旱淺不前分司主事蒙某

請禱乃書鐵符投白象潭薄暮雲密雨如注旌地揚馬辛酉冬詔携嗣子入朝

上御欽安殿召見錫嗣子衣帶命坐宴於殿中乞致仕可之明年春遣祀長陵廻復賜享便殿授致仕勅書以榮之四月遣齋香播達

天目葛仙華蓋武當鶴鳴五山還報命獎券
宴齊踰常益通州衛指揮率官兵護送歸山
甲子嗣子入觀以自畫聖像及上意所欲古
劍等物附獻

聖四

八

上以祖天師畫像及金幣回賜之乙丑春二

月

聖表注念特降褒問之書又勅俞往武當鶴
鳴葛仙三山之遊附御前香燭令轉致三山
以表禮神之意於是躋眺危巔窮探靈窟後
次鶴鳴之岫嶠邂逅一鴉衣鶴貌老翁迎而

揖之作而笑曰來去不聞山鳥噎三生石上
龍蛇年即拂袖緣崖而逝天師游睇良久悵
然返旆已己秋九月張筵會客縱飲極歡舉
觴謂林方伯王憲副曰吾有老友之期不可
失恐此會難又惟公等任天下治平之望者

勉旃可也咸以為醉語勿諒酒竟後戒左右
置蒲團於玄壇之西從容理裾北向盤坐乃
再誦老翁言而化藏蛻於金鈴長生觀
四十八代天師諱諱頌字士瞻別號湛然先
是貞一翁夢神人佩劍植梓於庭而生及長

有祖父風弘治辛酉甫十二歲奉詔隨父入
朝上顧而奇之賜宴欽安殿命坐三官俱召
見賞賚有差詰授正一嗣教致虛冲靜承先
弘化真人掌天下道教事歸而求學不輟玄
秘既精涉獵墳典事親篤孝鄉族稱之

聖四

九

武宗毅皇帝即位正德丙寅春入賀召見問
曰卿之祖非神仙乎朕聞神仙長在今還可
見亦可學否對曰臣聞君類愈於神仙者克
舜是也至今猶存上自天子下及庶人未嘗
不見頌

陛下慕而做之則

聖壽可等天地矣乃若臣類為神仙者吳尼
尚表辭還山戊辰頒給部牒普度羽士庚
午疏請重修大上清官以成

先帝遺命勅遣內官監太監李文會同江西
鎮巡等官督造壬申召見命陪祀泰壇有蟒
水玉帶之賜庚辰車駕南狩或言牛首山後
湖各有妖召赴行在諭性除之果見磔死一
妖 上大悅勅扈駕還京
世宗肅皇帝即位嘉靖改元入賀

上賜問以清心寡慾為對稱旨龍養孔殷特
遣還山請太上諸秘延禧錄文以進癸未詔
聘安遠侯柳文之女為繼室勅留都內外守
備官陪往親迎丙午錫誥加封為正一嗣教
懷玄抱真養素守默葆光履和致虛冲靜承

先弘化大真人掌天下道教事復賜加封勅
書并准授上清官道士傳德若邵啓南為贊
教金永壽詹望奎為掌書等官勅往禱於太
和山三月勅遣內官監左少監吳猷會同江
西撫按重建大真人第增造勅書閣以專藏

累朝宸翰西立萬法宗壇以奉

上帝列真東蓋天師家廟以祀歷代真人餘
悉更置山水增輝遂為福地冠先是

上命範銅為神像成乃勅吳猷齋至萬法宗
壇安祀頒賜掌法仙卿銀印一函牙刻宗傳
之印一函詔下戶部查復上清宮田糧侵匿

聖四

十

於豪民者仍降勅禁護戊子入覲命陪祀星
辰壇有御札文綺之賜辛卯入覲驛傳艱阻
至京後期上問故以實對勅各巡按御史查
提違慢有司等官罪之明年三月勅遣內官

監左監丞曹王會同撫按重建大上清宮乙未以本府莊田有司違例編寄莊各縣差徭奏下戶部議止照品官例優免覆奉命悉蠲之仍者為令丁酉入覲驛遞違慢如初奏謝後期之罪奉

聖旨大真人張彥頤總領道教赴京朝賀先朝屢有明旨者沿途有司應付這各該地方官吏如何不行支給著巡按御史查提了問巡撫官且不查究今後務要嚴加戒飭軍衛有司一體應付不許遲延悞事該衙門知道

是冬無雪命禱於內庭即應

上大悅有金冠玉帶蟒衣銀帶之賜戊戌命建金錄大齋於內皇壇有白鶴繞壇雲捧日之瑞賞賚有加辭歸賜勅以護其行本年詔往齊雲山建報謝禱儀大醮後因奏乞以

聖旨

上

本山如太和山例除道士為住持管理職員賜神宮額名曰玄天太素宮免徵所餘香錢降勅禁護是年冬

聖母升遐明年

上賜手書以示哀感之意己亥正月嗣子生

於新府第上聞之喜不已親灑宸翰并賜金幣為賀庚子上念嗣子正在襁褓恐難遠離遣行人黃如桂齋勸諭暫免入朝俾得守視辛丑錫語贈嫡母朱氏為端柔順德玄君生母宋氏為柔慈崇善玄君贈妻李氏為冲虛

柔惠玄君繼妻吳氏為安妙善常玄君柳氏為莊惠志道玄君本年命給部牒五百度羽士特勅江西巡撫都御史嚴禁撫州奸民偽出符籙者己酉詔携嗣子入覲舟次錢塘沙淤江漢民病涉投以一符即盪去次徐州水

涸舟膠戲作一詩投之曰呂梁洪下疾如飛

一泓神棧接古徐頭借紅袍三尺水官航穩載上京畿水忽夜溢比及都門上遣太監高忠迎而諭勞之齋賜嗣子蟒衣玉帶金帛明日召見錫燕便殿命錄歷代真

人名諱進覽既而賜御札曰卿子名可曰永緒後乞致仕詔可之陞辭而還庚戌十一月忽夢遊岱宗十六日晨與沐浴更水畢焚香隱几而化壽七十有一上聞嗟悼無已詔從候爵例錫之卹典遣行

人李琦錦水千戶王正億諭祭營壘勅定弋陽縣城東故壘山書院為佳城皆異數也

四十九代天師諱永緒字允承別號三陽父湛然嘗夢介冑之士持刺來謁自稱三陽將軍刺上書九字者三而了無姓名忽大風飄去而審翌日生馬玄典甫通聞學擊劍出則佩劍巡行山澤中入則杜門謝絕諸賓客不喜逢迎似涉傲世嘉靖己酉詔隨父入朝抵都城

上遣太監高忠齋賜衣帶明日召見於內庭質齊有差命宴便殿詔嗣教製爵誥授正一副教守玄養素遵範崇道大真人掌天下道教事詔聘定國公徐延德女為配勅成國公朱希忠遂安伯陳鏞議行婚禮壬子入覲

上遣司禮監太監黃錦傳

旨正一大真人張永緒著給與伯爵朝祭常服仍賜常用勅禮工二部製送光動朝班祭丑春仍奉玉音成婚而日遣官護送還山勅駕部增驛券內例外應付以裕征逾乙卯

奉勅改建正一靜應祥符三觀工費不敷疏奏請益以落成之戊午冬入觀

上賜顧問曰爾父近來攝養飲食何如對曰臣父子沐高厚之恩洎舉家安享太平之賜然臣父自度犬馬氣衰每諄諄訓臣勉圖補

壁四

主

報不敢時刻忘於宣室之前也

上曰但不審而父復能一至朝否賜宴而出是年降勅諭有司查明雜差料價照舊蓋行優免兵部查照新例給與勘合照舊例起撥馬快船隻嚴戒官員人等不許違慢再召入

對賜燕便殿命建保國安民大醮於朝天宮有蟒衣玉帶之錫明年正月十三日

上遣中使趙憲傳

聖諭俾早回家以慰父望遂不俟大典禮終先陛辭而還甲子冬入觀

上御西苑召問錫宴及蟒衣玉帶之屬乙丑元旦特遣中官傳命先諸大臣入見便殿既而賜宴同大學士徐階等七臣

上命以天師預首席馬醮於內庭復命主春祈祀典禮畢力辭還山舟次嚴陵瀨蹶然起

而推蓬四顧夕陽山色移時忽作語曰九九九歸時侯家隔數峰青還在無何有吳湖將墜火龍髯我今先跨金牛走少間又曰暗來回首不須悲鷄鳴日出看依舊其聲斷續莫不訝之乃戒榜人過權以前歸未幾而化內

子徐氏以訃聞

上殊痛悼之錫伯爵例恤與遣行人姚光泮諭祭併營兆域於獅子巷立祠南極觀誥封徐氏為靜和元君仍降勅諭嚴戒族屬諸人毋得凌侮其

聖恩隆重深加存惜保延玄緒以永紹宗風漢天師世家後序

易曰顯道神德行是故可與醜酢可與祐神矣盈天地間古今不息者道也能顯明於道則功用之神具見而合乎德者故可與應萬

壁四

主

變而贊祐於神矣是所謂參天地之化育者也太史遷曰道家無為精神專一動合無形瞻足萬物而與時遷移應物變化立俗施事無所不宜良有以茲太上生於殷為周藏室史復遷柱下史以神化莫測之迹代降於世

為玄教宗我祖漢天師蒙留侯遺澤嘗親受道於太上由是仙經洞籙秘劫不傳者悉降於世繼以降妖魅服煉神丹功成冲舉以劍印相傳於奕代者今垂千五百年雖運移物改繼承不替其非以清靜無為之教功用

之神有合乎天德而足以贊化育者歟追今凡名山區輿靈迹具存此其子孫流芳之遠榮達之久信有以陰翊皇度博施生民者蓋可見矣漢末而下居龍虎山者岩棲谷隱脩煉以自壽宋初漸以道行稱於時暨大觀崇

寧間虛靖真君出焉其神功妙應一發於御氣鍊形之實而後益振足以方駕於前矣其下真顯於曾大父徽山公大父太玄公也凡其榮禱禱祈之著遭際寵渥之極當是時奇徵茂迹雖贊縵縉紳之士莫不禮敬之視前

壁四

主

或有所未逮焉及我朝先君冲虛公光際聖明混一海宇其崇資偉望昭赫一時榮被終始又豈昔之可倫擬者哉其為神明之胃必若是乎宇初以匪材庸質仰紹先烈惟忝竊是懼代蒙

聖恩猶深戰慄間以世家顯末未白於世耀
有遺闕昔侍先君手舊編一帙授高道傳同
虛謁末太史濂序其首而未暇整緝以行然
舊文辭意冗腐僭用刪校增次以廣諸梓庶
以成先志也嗚呼物理之有感衰也思所以
承先啓後者為難哉末降以來集賢趨華競
於勢利者衆矣苟不能造詣其學輝光其德
以引厥宗其可謂之克繼前人之緒乎是豈
足知夫昔之授於太上者德行之隆勛烈之
大其相傳之無窮也果何使之然哉抑神而
明之存乎其人後之來者尚必自勵其有以
章述焉斯為不墜其教矣其曰世家則本諸
史云

嗣孫四十三代天師宇初百拜謹書

大明萬曆三十五年歲次丁未上元吉旦

正一嗣教凝誠志道闡玄弘教大真人掌

天下道教事五十大孫國祥 奉

育校梓

漢天師世家卷四終

正一天師清微弟子 洪百堅 製作

道教學術資訊網站